

საგანგებო სიტუაციების მართვის შტაბის წევრთა ფუნქციონალური მოვალეობები.

საგანგებო შტაბის შეტყობინების სქემა.

საგანგებო შტაბის შემადგენლობა:

1. საგანგებო შტაბის უფროსი;
2. საევაკუაციო ჯგუფი;
3. მატერიალურტექნიკური მომარაგების ჯგუფი;
4. კავშირგაბმულობისა და შეტყობინების ჯგუფი;
5. სამედიცინო რეაგირების ჯგუფი;
6. სახანძრო ჯგუფი;
7. სამაშველო ჯგუფი;
8. ქიმიური და რადიაციული (აუცილებლობიდან გამომდინარე) ჯგუფი;
9. საზოგადოებრივი წესრიგის დაცვის ჯგუფი;
10. თავშესაფრის მომსახურების რგოლი.

საგანგებო სიტუაციების მართვის შტაბის წევრთა ფუნქციონალური მოვალეობები

1. საგანგებო სიტუაციების მართვის შტაბის უფროსი

„ორგანიზაციის“ საგანგებო შტაბის უფროსი ანგარიშვალდებულია, ზემდგომ დარგობრივი ხელმძღვანელობის წინაშე. იგი პასუხისმგებელია „ორგანიზაციის“ საგანგებო სიტუაციებზე მუდმივი მზადყოფნისათვის, რეაგირების დაგეგმვისა და შესაბამისი ღონისძიებების გატარებაზე მშვიდობიან და ომის შემთხვევაში.

მას ევალება:

- „ორგანიზაციის“ საგანგებო სიტუაციებზე რეაგირების გეგმის შედგენა და მისი ამოქმედება საგანგებო სიტუაციების დროს.
- თანამშრომლებისათვის საშიშროების შესახებ შეტყობინება და შესაბამისი ქმედებების ორგანიზება.
- მართვის, კავშირგაბმულობისა და შეტყობინების ორგანიზება.
- „ორგანიზაციაში“ მოხალისეთა ფორმირების ჩამოყალიბება, მათი აღჭურვა და მომზადება.
- ფორმირებისათვის ინდივიდუალური დაცვის საშუალებების მომარაგება, ექსპლუატაციისათვის მზადყოფნის უზრუნველყოფა, შენახვა და საჭიროების შემთხვევაში ორგანიზებული გაცემა.
- თანამშრომელთა დადგენილი წესის მიხედვით დროული ევაკუაცია უსაფრთხო ადგილებში.
- ექსტრემალური სიტუაციების განვითარების შემთხვევაში სამაშველო და სხვა გადაუდებელი სამუშაოების ჩატარება.
- საჰაერო (სარაკეტო) თავდასხმის შემთხვევაში თანამშრომელთა შეფარების ორგანიზება დამცავ ნაგებობებში.
- ორგანიზაციაში ყველა დონის სამოქალაქო თავდაცვისა და საგანგებო სიტუაციების დროს მოქმედებების სწავლების ორგანიზება და განხორციელება.

2. საევაკუაციო ჯგუფის უფროსი

საევაკუაციო ჯგუფის უფროსი ექვემდებარება საგანგებო შტაბის უფროსს

იგი ვალდებულია:

- შეიმუშაოს „ორგანიზაციის” ევაკუაციის გეგმა (იხ. თანდართული ინსტრუქცია);
- განსაზღვროს შენობის საევაკუაციო გზები და გასასვლელები, იზრუნოს მათზე მანიშნებელი ნიშნების დაყენებაზე;
- ორგანიზება გაუკეთოს თანამშრომელთა ასევე (საჭიროების შემთხვევაში) მათი ოჯახის წევრთა რაოდენობის განსაზღვრას მათი ოპერატიულად ევაკუაციის მიზნით;
- საჭიროებიდან გამომდინარე მუდმივი კავშირი იქონიოს, მუნიციპალურ (ქალაქის) საგანგებო შტაბთან.
- იცოდეს ევაკუაციის რაიონი, მოძრაობის მარშრუტი, ჩასხდომისა და გადმოსმის ადგილი;
- აწარმოოს აღრიცხვიანობა ავტოტრანსპორტზე, რომელიც გამოყენებულია ევაკუირებულთა გადასაცვანად;
- მონაწილეობა მიიღოს ევაკუირებულთა მომარაგებას ევაკუაციის შემთხვევაში პირველადი მოხმარების ნივთებით.
- მჭიდრო კავშირი იქონიოს ქალაქგარე ზონაში ევაკომიმდებ პუნქტებთან, იცოდეს ევაკუირებულთა ჩასახლების ადგილები, მათი მომარაგების მიმდინარეობა;
- აქტიური მონაწილეობა მიიღოს ობიექტის რეაგირების გეგმის შემუშავებაში, ევაკუაციას საკითხების დაზუსტებაში;
- საგანგებო სიტუაციების შემთხვევაში იცოდეს და წინასწარ ჰქონდეს მომზადებული თანამშრომელთა უსაფრთხო ადგილებში გადაადგილებისათვის საჭირო მონაცემები;
- ევაკუაციის გამოცხადების შემთხვევაში იგი ვალდებულია:
 - ა) სპეციალური სიგნალებით, დროულად შეატყობინოს თანამშრომლებს ევაკუაციის დაწყება;
 - ბ) დროულად გააგზავნოს მუნიციპალიტეტის საგანგებო შტაბში თავისი წარმომადგენელი;
 - გ) ორგანიზება გაუკეთოს დანიშნულ დროში სრული შემადგენლობით თანამშრომელთა გამოცხადებას შემკრებ პუნქტზე, მათი უსაფრთხო ადგილებში გადასაცვანად;
 - დ) ჩასახლების ადგილებში ჩასვლის შემდეგ ორგანიზება გაუკეთოს ევაკუირებულთა დროულ დაბინავებას და მათ ყოველმხრივ უზრუნველყოფას.

3. მატერიალურ-ტექნიკური მომარაგების ჯგუფის უფროსი

მატერიალურ-ტექნიკური მომარაგების ჯგუფის უფროსი ექვემდებარება “ორგანიზაციის” საგანგებო შტაბის უფროსს.

იგი ვალდებულია:

- მიიღოს აქტიური მონაწილეობა რეაგირების გეგმის შედგენაში მატერიალურ-ტექნიკური მომარაგების საკითხების გათვალისწინებით;
- მოამზადოს ანგარიში მოხალისეთა ფორმირების აღჭურვისათვის საჭირო აღჭურვილობით სამოქალაქო თავდაცვისა და საგანგებო სიტუაციებზე რეაგირების ამოცანების შესასრულებლად.
- იცოდეს სპეცდღჭურვილობის რაოდენობა, მისი შეძენისა და შენახვის პირობები;
- იცოდეს ავტოტრანსპორტის რაოდენობა, მათი ტექნიკური აღჭურვილობა და საწვავ-საცხები მასალის შენახვის პირობები. აწარმოოს მათი უსაფრთხოების უზრუნველყოფა და ხარჯვის ზუსტი აღრიცხვა;
- მუდმივი მეთვალყურეობის ქვეშ ჰყავდეს აყვანილი ხანძარსაწინააღმდეგო ღონისძიებები;
- სისტემატიურად ახსენებდეს “ორგანიზაციის” საგანგებო შტაბის უფროსს ავტოტრანსპორტის და სხვა სამოქალაქო თავდაცვის ქონების ტექნიკურ მდგომარეობის შესახებ.
- იცოდეს, როგორც თვითონ ასევე ჯგუფის წევრებმა მშვიდობიან პირობებში თავშესაფრის სწორი მომსახურება და ექსპლუატაცია, მუდმივ მზადყოფნაში ჰქონდეთ მოყვანილი იგი თანამშრომელთა შეფარებისათვის;
- საჭიროების შემთხვევაში სწრაფად მოიყვანონ თავშესაფარი მზადყოფნის მდგომარეობაში პერსონალის შესაფარებლად;
- თავშესაფრის მწყობრიდან გამოსვლის შემთხვევაში სწრაფად დაურიგდეს ყველა შეფარებულს აირწინაღები მიიღოს საჭირო ზომები თავშესაფრის მზადყოფნაში მოყვანისათვის.

4. კავშირგაბმულობისა და შეტყობინების ჯგუფის უფროსი

კავშირისა და შეტყობინების ჯგუფის უფროსი ექვემდებარება საგანგებო შტაბის უფროსს

იგი ვალდებულია:

- აქტიური მონაწილეობა მიიღოს რეაგირების გეგმის შემუშავებაში.
- ორგანიზება გაუკეთოს მართვის, კავშირისა და შეტყობინების მუდმივ მზადყოფნას.
- დროულად განახორციელოს შეტყობინება ხელმძღვანელი პირების, მოხალისეთა ფორმირების და პერსონალის საგანგებო სიტუაციებზე რეაგირების ღონისძიებების განხორციელების თაობაზე.
- “ორგანიზაციაში” საგანგებო სიტუაციის განვითარების შემთხვევაში ან მტრის მოსალოდნელი თავდასხმის საშიშროების გამოცხადებისას, “ორგანიზაციის” რადიოეთერით შეატყობინოს პერსონალს, მოხალისეთა ფორმირებებს და ხელმძღვანელობას მოსალოდნელი საფრთხის შესახებ.
- ორგანიზება გაუკეთოს “ორგანიზაციაში” მართვის პუნქტში მორიგეობას, დროულად მიიღოს ზემდგომი ორგანოებიდან განკარგულებები, ბრძანებები და აწარმოოს აღრიცხვიანობა;
- “ორგანიზაციის” საგანგებო შტაბის უფროსთან ერთად აქტიური მონაწილეობა მიიღოს მოხალისეთა ფორმირების პირადი შემადგენლობის მომზადების საქმეში.

5. სამედიცინო რეაგირების ჯგუფის უფროსის ამოცანები

ა) მშვიდობიან პირობებში:

- ჯგუფის უფროსმა იცოდეს პირადი შემადგენლობის ამოცანები, უზრუნველყოს ჯგუფის დაკომპლექტება ტაბელური სამედიცინო აღჭურვილობით;
- განუწყვეტილად სრულყოფდეს, როგორც პირად მომზადებას აგრეთვე დაქვემდებარებული შემადგენლობის ცოდნის დონეს;
- სისტემატიურად ატარებდეს გეგმით გათვალისწინებულ სამედიცინო, (ქიმიურ და რადიაციული) უსაფრთხოების თემებზე როგორც თეორიულ ასევე პრაქტიკულ მეცადინეობებს;
- ახორციელებდეს პირადი შემადგენლობის მუდმივ მზადყოფნას და ურთიერთ შეთანხმებულობას;
- შეეძლოს განახორციელოს ურთიერთმოქმედება სხვა ფორმირებებთან;
- სისტემატიურად უწევდეს კონტროლს ობიექტის ტერიტორიაზე სისუფთავისა და პირადი შემადგენლობის მიერ ჰიგიენის დაცვას;
- აღმოუჩინოს პირველი სამედიცინო დახმარება დაზიანებულ ადამიანებს;
- (_ წესრგმი ჰქონდეს ქიმიური და რადიაციული მონიტორინგის ხელსაწყოები).

ბ) ექსტრემალურ ვითარებაში :

- ჯგუფის უფროსი სასწრაფოდ კრებს და ატყობინებს პირად შემადგენლობას, აცნობს მათ შექმნილ ვითარებას;
- სწრაფად აგზავნის დაზიანების კერებში პირად შემადგენლობას. ადგილზე აღმოუჩენს პირველ სამედიცინო დახმარებას დაზარალებულებს, რომლებიც შემდეგ გადმოჰყავთ უსაფრთხო ადგილებში;
- საჭიროების შემთხვევაში დაზარალებულები გადაჰყავთ სამედიცინო დაწესებულებებში სამკურნალოდ;
- “ორგანიზაციაში” შექმნილი საგანგებო ვითარების შესახებ აცნობებენ მუნიციპალურ სამედიცინო სამსახურის უფროსს.
- (_ აწარმოებს ქიმიური და რადიაციული მონიტორინგს.)

6. სამაშველი ჯგუფების უფროსის ამოცანები:

ა) მშვიდობიან პირობებში;

- ჯგუფის უფროსი მოვალეა იცოდეს ჯგუფის პირადი შემადგენლობა, მათი მომზადების დონე, სამუშაო ადგილი. ჰქონდეს ჯგუფის პირადი შემადგენლობის სია საჭიროების შემთხვევაში მათი სწრაფი შეკრებისათვის;
- შეისწავლოს “ორგანიზაციის” ტერიტორიაზე განლაგებული ყველა შენობა_ნაგებობა და მისი სუსტი წერტილები მედეგობისა და მექანიკური საიმედოობის თვალსაზრისით;

იცოდეს:

- გაზისა და წყალგაყვანილობის მოწოდების წყარო, მათი საერთო საკეტების ადგილმდებარეობა, მილგაყვანილობის ვარგისიანობა, სუსტი ადგილები;
- ჯგუფის ქონების (სამაშველო აღჭურვილობის) ადგილსამყოფელი, მიღებისა და გაცემის გრაფიკი;
- პერსონალის რაოდენობა, საგანგებო სიტუაციის შემთხვევაში მათთვის დახმარების გაწევის მიზნით;

- საევაკუაციო გასასვლელების არსებული მდგომარეობა.
- გეგმის მიხედვით რეგულარულად უნდა ატარებდეს, როგორც თეორიულ ასევე პრაქტიკულ მეცადინეობას პირად შემადგენლობასთან.
- გეგმის მიხედვით რეგულარულად უნდა ამოწმებდეს, როგორც პირად ასევე ჯგუფის პირადი შემადგენლობის მუდმივ მზადყოფნას;

ბ) ექსტრემალური ვითარების განვითარებისას

- ჯგუფის უფროსი მოვალეა სწრაფად შეკრიბოს ჯგუფის პირადი შემადგენლობა
- მოკლედ განუმარტოს შექმნილი ვითარება, დაუსახოს თვითეულს ამოცანები და მიიღოს სამაშველო აღჭურვილობა;
- სწრაფად და ენერგიულად იმოქმედოს დაზიანების კერაში დაზარალებულთა გასაყვანად და დახმარების აღმოსაჩენად. აწარმოოს ავარიის შედეგების ლიკვიდაცია.
- სისტემატიურად ახსენებდეს საგანგებო შტაბის უფროსს გაწეული საქმიანობის შესახებ.
- სასწრაფოდ შეატყობინოს ადგილობრივი თვითმმართველობის ორგანოს საგანგებო სიტუაციების მართვის დანაყოფს.
- განსაზღვროს დაზიანების კერის წარმოქმნისა და გავრცელების ადგილი, ყველა საშუალებების გამოყენებით განახორციელოს სამაშველო სამუშაოები.
- ადგილზე მოსულ მეხანძრე-მაშველებს მოახსენოს საქმის ვითარება და მათთან ერთად განაგრძოს სამაშველო სამუშაოები.

7. სახანძრო ჯგუფის უფროსის ამოცანები:

ა) მშვიდობიან პირობებში

- ჯგუფის უფროსი მოვალეა იცოდეს ჯგუფის პირადი შემადგენლობა, მათი მომზადების დონე, სამუშაო ადგილი. ჰქონდეს ჯგუფის პირადი შემადგენლობის სია საჭიროების შემთხვევაში მათი სწრაფი შეკრებისათვის;
- შეისწავლოს “ორგანიზაციის” შენობა და ელექტროგაყვანილობა სახანძრო დაცვის თვალსაზრისით;
- იცოდეს ელექტროენერგიის მოწოდების წყარო, მისი საერთო გამომრთველის ადგილმდებარეობა, ელექტროგაყვანილობის ვარგისიანობა, სუსტი ადგილები;
- ყოველთვის მზა მდგომარეობაში ჰქონდეს წყლის სახანძრო რეზერვუარი, დაცული იყოს გარეშე პირთაგან მასში შემთხვევით ჩავარდნა.
- სისტემატიურად ამოწმებდეს ხანძარსაწინააღმდეგო დაფების დაკომპლექტებას საჭირო ინვენტარითა და ცეცხლმქრობებით. იცოდეს ცეცხლმქრობებთა ვარგისიანობა, მათი შევსების დრო;
- სისტემატიურად ახორციელებდეს ხანძარსაწინააღმდეგო პროფილაქტიკურ ღონისძიებებს; უნდა ამოწმებდეს ელექტროგადამცემი ხაზების მდგომარეობას, ტერიტორიის დასუფთავებას, ცეცხლმაქრი საშუალებების მარაგის არსებობას და სხვა;
- სისტემატიურად უნდა ატარებდეს, როგორც თეორიულ ასევე პრაქტიკულ მეცადინეობას პირად შემადგენლობასთან.
- იცოდეს ჯგუფის ქონების ადგილსამყოფელი, მიღებისა და გაცემის გრაფიკი;
- იცოდეს “ორგანიზაციაში” პერსონალის რაოდენობა, ავარიის შემთხვევაში მათთვის დახმარების გაწევის მიზნით;

ბ) ექსტრემალური ვითარების განვითარებისას

- ჯგუფის უფროსი მოვალეა სწრაფად შეკრიბოს ჯგუფის პირადი შემადგენლობა
- მოკლედ განუმარტოს შექმნილი ვითარება, დაუსახოს თვითეულს ამოცანები;
- სისტემატიურად ახსენებდეს საგანგებო შტაბის უფროსს გაწეული საქმიანობის შესახებ.
- სასწრაფოდ შეატყობინოს ადგილობრივი თვითმმართველობის ორგანოს საგანგებო სიტუაციების მართვის დანაყოფს.
- განსაზღვროს ხანძრის კერის წარმოქმნისა და გავრცელების ადგილი, ყველა საშუალებების გამოყენებით განახორციელოს ცეცხლის ქრობა და მისი ლოკალიზირება.
- ადგილზე მოსულ მეხანძრე-მაშველებს მოახსენოს საქმის ვითარება და მათთან ერთად განაგრძოს ცეცხლის ქრობა.

ხანძრის შემთხვევაში გადაჭრას შემდეგი უპირველესი ამოცანები:

- სახანძრო ვითარების შეფასება.
- ხანძარსაშიში ადგილების განსაზღვრა.
- ხანძრის ჩასაქრობად საჭირო ძალებისა და ტექნიკის განსაზღვრა.

- წყლის მოწოდების საშუალებებისა და რაოდენობის განსაზღვრა.
- ევაკუაციის მარშრუტის განსაზღვრა.

8. ქიმიური და რადიაციული რეაგირების ჯგუფის უფროსის ამოცანები

ა) მშვიდობიან პირობებში:

- ჯგუფის უფროსმა იცოდეს პირადი შემადგენლობის ამოცანები, უზრუნველყოს ჯგუფის დაკომპლექტება ინდივიდუალურ დაცვის საშუალებებით;
- განუწყვეტილად სრულყოფდეს, როგორც პირად მომზადებას აგრეთვე დაქვემდებარებული შემადგენლობის ცოდნის დონეს;
- სისტემატიურად ატარებდეს გეგმით გათვალისწინებულ ქიმიურ და რადიაციული უსაფრთხოების თემებზე როგორც თეორიულ ასევე პრაქტიკულ მეცადინეობებს;
- ახორციელებდეს პირადი შემადგენლობის მუდმივ მზადყოფნას და ურთიერთ შეთანხმებულობას;
- შეედლოს განახორციელოს ურთიერთმოქმედება სხვა ფორმირებებთან;
- წესრგში ჰქონდეს ქიმიური და რადიაციული მონიტორინგის ხელსაწყოები.

ბ) ექსტრემალურ ვითარებაში:

- ჯგუფის უფროსი სასწრაფოდ კრებს და ატყობინებს პირად შემადგენლობას, აცნობს მათ შექმნილ ვითარებას;
- პერსონალს და ჯგუფის პირად შემადგენლობას ურიგებს ინდივიდუალურ დაცვის საშუალებებს;
- აწარმოებს ქიმიური და რადიაციული ვითარების მონიტორინგს.


9. საზოგადოებრივი წესრიგის დაცვის ჯგუფის უფროსი

- საგანგებო სიტუაციების განვითარების შემთხვევაში უზრუნველყოს ჯგუფის ოპერატიული შეკრება;
- დაიცვას წესრიგი საგანგებო სიტუაციებზე რეაგირების პროცესში;
- უზრუნველყოს საევაკუაციო ღონისძიებების ორგანიზება და წესრიგის დაცვა მისი განხორციელების პროცესში;
- სასტემატიურად უნდა ატარებდეს გეგმით გათვალისწინებულ თემებზე, როგორც თეორიულ, ასევე პრაქტიკულ მეცადინეობებს პირად შემადგენლობასთან;
- რეგულარულად შეამოწმოს საევაკუაციო გასასვლელების მდგომარეობა.

10. თავშესაფრის მომსახურების რგოლის ამოცანები

- ახორციელებს თავშესაფრის მოვლა-პატრონობას;
- უზრუნველყოფს თავშესაფრის მზადყოფნას პერსონალის მისაღებად;
- საჭიროების შემთხვევაში უზრუნველყოს თავშესაფრში პერსონალის მიღება-განთავსება.

საგანგებო სიტუაციების მართვის შტაბის შეტყობინების სქემა



შეტყობინების სქემა

1. ობიექტზე მყოფი ადამიანების ევაკუაცია შენობიდან.
2. ობიექტზე მყოფი ადამიანების ინდივიდუალური დაცვის საშუალებებით უზრუნველყოფა.
3. სამკურნალო, სანიტარულ-ჰიგიენური და ეპიდემსაწინააღმდეგო ღონისძიებების ჩატარება.
4. მატერიალურ ფასეულობათა ევაკუაცია უსაფრთხო ზონებში.
5. სამაშველო და ხანძარსაწინააღმდეგო ღონისძიებების ჩატარება.
6. მართვის კავშირგაბმულობის და შეტყობინების სისტემების მუდმივი მზადყოფნის უზრუნველყოფა.